

Այստեղ ամեն ինչ կարօտ է արմատական վերանորոգութեան, և դա ժամանակի, հսկայական անդուլ աշխատանքի կարօտ է: Այստեղ գործող ոյժեր, զօրեղ գործօններ են հարկաւոր գիւղացիութիւնը ներկայ խաւար դրութիւնից ազատելու և նրա տնտեսական-կուլտուրական և քաղաքական կեանքը բարելաւելու համար:

Բայց սիրելիս, ես չգիտեմ, թէ Պու գիւղական կեանքի ո՞ր երև ոյթի մասին կուզէիր աւելի շուտ ծանօթանալ, այդ ինձ յայտնի չէ. խնդրում եմ երկտողով յայտնիր, որի հետ նաև գրիր ինձ, թէ ինչ խաբրիկներ կան «Վէրան աշխարհիցս»։ Քեզ ծանօթ է, որ ես այստեղ լրագրից զրկւած եմ և ահա երկուկէս ամիս է ո՛չ մի տեղեկութիւն չունեմ հայրենիքիցս: Գրիր ուրեմն երկար, շատ երկար: Ա՛խ հայրենիքիս կարօտը շատ է տանջում ինձ սիրելիս, խիստ շատ . . .

Անհամբեր սպասում եմ նամակիդ:

Քո՛
ԱՐԱՄ

Փէրիա—Արթուրաբաղ, 14 Սեպտեմբեր, 1918.

Իմ սիրելի Վարդուհի,

Սիրով ողջունեցի 5 Սեպտեմբեր թւակիր նամակդ: Լաղորդած տեղեկութիւններդ խիստ շահագրգռական էին. յայտնում եմ խորին շնորհակալութիւններս:

Սիրելիս, ցանկանում ես, որ գրեմ Քեզ գիւղական տը-
ների, նրանց առտնին կեանքի, ուտելիքների, խմիչքների և
ընդհանրապէս նրանց ներքին կենցաղի մասին. երէկ այդ
նպատակով ես այցելեցի մի քանի տներ և երկար ուսում-
նասիրութիւնից յետոյ՝ զրում եմ Քեզ. իսկ ուտելիքների և